

Komisioni për Mbrojtjen e Konkurrencës, bazuar në nenin 28 dhe nenin 19 paragrafi (1) pika 2) të Ligjit për Mbrojtjen e Konkurrencës ("Gazeta Zyrtare e Republikës së Maqedonisë" nr. 145/10, 136/11, 41/2014, 53/16, 83/18 dhe "Gazeta Zyrtare e Republikës së Maqedonisë së Veriut" nr. 208/24 dhe 16/25), dhe duke vepruar sipas njoftimit për përqendrim të parashtruar nga AZ DEOS, kujdesi për të moshuarit, sh.p.k. me seli në rr. Fajfarjeva ulica nr. 33, 1000, Republika e Sllovenisë, përmes Shoqërisë së Avokatëve Bona Fide nga Shkupi, në seancën e mbajtur më datë 16.07.2025, solli këtë

AKTVENDIM

1.Konstatohet se përqendrimi me të cilin AZ DEOS, kujdesi për të moshuarit, sh.p.k., me seli në rr. Fajfarjeva ulica nr. 33, 1000, Republika e Sllovenisë, do të fitojë kontroll mbi SHKOLLA E LARTË PËR KONTABILITET DHE FINANCA, LUBJANË, me seli në rr. Stegne 21C, 1000 Lubjanë, Slloveni, edhe bie nën dispozitat e Ligjit për Mbrojtjen e Konkurrencës, nuk do të ketë si pasojë pengimin, kufizimin apo shtrembërimin e ndjeshëm të konkurrencës efektive në treg ose në një pjesë thelbësore të tij, veçanërisht si rezultat i krijimit apo forcimit të pozitës dominuese të pjesëmarrësve, **dhe është në përputhje me dispozitat e Ligjit për Mbrojtjen e Konkurrencës në kuptim të nenit 19 paragrafi (1) pika 2) të Ligjit për Mbrojtjen e Konkurrencës.**

2.Detyrohet parashtruesi i njoftimit për përqendrim të paguajë taksë administrative për njoftimin për përqendrim në shumë prej 6.000,00 den. dhe për aktvendimin në shumë prej 30.000,00 den., sipas numrit tarifar 34 të Ligjit për Taksat Administrative ("Gazeta Zyrtare e Republikës së Maqedonisë" nr. 17/93, 20/96, 7/98, 13/01, 24/03, 19/04, 61/04, 95/05, 7/06, 70/06, 92/07, 88/08, 130/08, 6/10, 145/10, 17/11, 84/12, 192/15, 23/16 dhe "Gazeta Zyrtare e Republikës së Maqedonisë së Veriut" nr. 151/21) në llogarinë e Buxhetit të Republikës së Maqedonisë nr. 100000000063095, llogaria për pagesë 840...03161, kodi i të ardhurave dhe programi 72231300.

3.Padia për fillimin e kontestit administrativ nuk e shtyn ekzekutimin e aktvendimit.

A r s y e t i m

Në përputhje me dispozitat e nenit 15 të Ligjit për Mbrojtjen e Konkurrencës (në tekstin e mëtejme: Ligji), më datë 16.06.2025, pranë Komisionit për Mbrojtjen e Konkurrencës (në tekstin e mëtejme: Komisioni) u dorëzua njoftim për përqendrim nga AZ DEOS, kujdesi për të moshuarit, sh.p.k., me seli në rr. Fajfarjeva ulica nr. 33, 1000, Republika e Sllovenisë, me të cilin AZ DEOS, kujdesi për të moshuarit, sh.p.k., do të fitojë kontroll mbi SHKOLLA E LARTË PËR KONTABILITET DHE FINANCA, LUBJANË, me seli në rr. Stegne 21C, 1000 Lubjanë, Slloveni.

Komisioni filloi me shqyrtimin e Njoftimit me ditën e pranimit të tij dhe bazuar në të dhënat e dorëzuara në Njoftimin për përqendrim dhe shtojcat e tij, konstatoi si vijon:

Veprimtaritë themelore afariste të ndërmarrjeve të përfshira:

AZ DEOS, kujdesi për të moshuarit sh.p.k. është shoqëri me përgjegjësi të kufizuar, e regjistruar më 16.07.2021, me veprimtari themelore - shërbime të tjera këshillimore sipërmarrëse dhe afariste, kryesisht në fushën e mbrojtjes sociale.

AZ DEOS, kujdesi për të moshuarit sh.p.k. paraqet pjesë përbërëse të Grupit PRVA CAP, gjegjësisht pronarët e tij paraqiten si pronarë në PRVA FINANCE sh.p.k. (PRVA Finance d.o.o.) e cila nga ana tjetër është pronare e SKUPINA PRVA SH.A, e cila nga ana tjetër është pronare e dy shoqërive në Republikën e Maqedonisë së Veriut:

- Shoqëria e sigurimeve PRVA ZHIVOT SHA Shkup, me seli të regjistruar në rr. Mitropolit Teodosij Golloganov nr. 6-1, kati 2, Shkup dhe me veprimtari prioritare - sigurimi i jetës dhe
- KB Shoqëria e Parë për menaxhim me fonde pensionale të detyrueshme dhe vullnetare SHA Shkup, me seli në rr. Mitropolit Teodosij Golloganov nr. 6, Shkup dhe me veprimtari prioritare - menaxhimi i fondeve.

SHKOLLA E LARTË PËR KONTABILITET DHE FINANCA është institucion privat i arsimit të lartë, i cili kryen veprimtari të institucioneve private të arsimit të lartë, gjegjësisht arsim të lartë privat në fushën e kontabilitetit dhe financave.

Institucioni Shkolla e Lartë për Kontabilitet dhe Financa nuk ka shoqëri të ndërlidhura drejtpërdrejt dhe/apo tërthorazi në R. e Maqedonisë së Veriut.

Komisioni konstatoi se përqendrimi i njoftuar bie nën dispozitat e Ligjit, sepse plotëson kushtet nga neni 12 paragrafi (1) dhe pika 2) dhe nga neni 14 paragrafi (1) pika 1) dhe 2) të Ligjit për Mbrojtjen e Konkurrencës.

Komisioni, duke pasur parasysh kriteret nga neni 17 paragrafi (2), paragrafi (3) dhe paragrafi (4) i Ligjit për Mbrojtjen e Konkurrencës dhe pikën 6 b) të *Udhëzimeve për përcaktimin e rasteve në të cilat gjatë vlerësimit të përqendrimeve Komisioni për Mbrojtjen e Konkurrencës zakonisht do të konstatojë se ato janë në përputhje me Ligjin për Mbrojtjen e Konkurrencës*, vlerësoi se përqendrimi i njoftuar, edhe bie nën dispozitat e Ligjit, është në përputhje me të, sepse nuk do të ketë si pasojë pengimin, kufizimin apo shtrembërimin e ndjeshëm të konkurrencës efektive në treg ose në një pjesë thelbësore të tij, veçanërisht si rezultat i krijimit apo forcimit të pozitës dominuese të pjesëmarrësve.

Duke pasur parasysh këtë vlerësim të përqendrimit, Komisioni vendosi si në dispozitivin e këtij Aktvendimi, në përputhje me nenin 19 paragrafi (1) pika 2) të Ligjit.

Në përputhje me nenin 53 paragrafi (2) të Ligjit, padia nuk e shtyn ekzekutimin e aktvendimit.

Udhëzim për mjetin juridik:

Kundër këtij vendimi mund të ngrihet padi për fillimin e kontestit administrativ pranë Gjykatës Administrative në afat prej 30 ditësh nga dita e pranimi të aktvendimit.

**KOMISIONI PËR MBROJTJEN E KONKURRENCËS
KRYETARE**

Mr. Малинка Силјановска Николиќ